



**TANGGUNGJAWAB SAKSI  
UNTUK HADIR KE MAHKAMAH**

- Saksi adalah individu yang memberi keterangan secara lisan dan bertulis tentang sesuatu fakta berhubung dengan prosiding yang dibicarakan dalam Mahkamah.
- Mana-mana individu yang telah diserahkan dengan sapha oleh Mahkamah adalah seorang saksi yang mesti hadir ke Mahkamah untuk memberi keterangannya.
- Mahkamah boleh mengeluarkan Waran Tangkap terhadap saksi yang disapha jika didapati gagal untuk hadir ke Mahkamah pada tarikh dan masa yang telah ditetapkan tanpa sebarang alasan wajar dan munasabah yang difikirkan oleh Mahkamah.

**APAKAH YANG PERLU DI LAKUKAN OLEH  
PIHAK-PIHAK SEBELUM HADIR KE  
MAHKAMAH**

- Pastikan setiap butir-butir penting seperti tarikh, masa, dan lokasi Mahkamah.
- Pastikan dokumen-dokumen yang berkaitan atau dokumen-dokumen yang dikehendaki berhubung dengan prosiding itu dibawa bersama pada hari perbicaraan.
- Merancang perjalanan dengan baik supaya dapat hadir ke Mahkamah pada tarikh dan masa yang telah ditetapkan.



**TANGGUNGJAWAB SAKSI  
SEMASA MEMBERI  
KETERANGAN DI MAHKAMAH**

- Gunakan Bahasa Malaysia yang mudah untuk difahami ketika memberi keterangan.
- Sekiranya saksi memilih untuk menggunakan bahasa selain Bahasa Malaysia, Jurubahasa Mahkamah yang ditugaskan akan membantu saksi untuk menjeremahkan keterangan yang telah diberikan itu ke Bahasa Malaysia.
- Angkat sumpah dalam kandungan saksi dengan suara yang jelas sambil mengangkat tangan kanan ke paras bahu. Kemukakan dokumen pengenalan diri seperti Kad Pengenalan / Kad Kuasa / Pasport Antarabangsa / Sijil Kelahiran melalui Jurubahasa Mahkamah untuk dirujuk dan direkodkan oleh Mahkamah.
- Dengar soalan-soalan pendakwa / peguam dengan teliti dan jawab soalan-soalan yang ditanya. Jika ada sebarang soalan yang tidak difahami atau tidak jelas, saksi boleh mendapatkan penjelasan yang selanjutnya daripada pendakwa / peguam.
- Pastikan jawapan / keterangan yang diberikan adalah benar kerana saksi adalah terikat dengan sumpah untuk berkata benar ketika memberi keterangannya dalam Mahkamah.
- Pastikan dokumen-dokumen yang akan dikemukakan ketika prosiding dibawa bersama ke kandung saksi dan pohon keizinan atau kebenaran daripada Mahkamah terlebih dahulu sebelum menjuik kepada sebarang dokumen.
- Sekiranya saksi belum selesai memberi keterangan atau tidak berkesempatan untuk memberi keterangan, pastikan tarikh dan masa sambung bicara prosiding itu dicatatkan kerana saksi perlu hadir semula dalam Mahkamah untuk memberi keterangannya.



[www.kehakiman.gov.my](http://www.kehakiman.gov.my)

**ETIKA  
KETIKA  
HADIR  
DALAM MAHKAMAH**



Untuk maklumat lanjut sila hubungi  
Bahagian Komunikasi Korporat dan Hubungan Antarabangsa,  
Mahkamah Persekutuan Malaysia, Aros 2, Fesint 3, Istana Kehakiman,  
62506 Putrajaya, Malaysia.  
Tel: 603-8880 3500 Faks: 603 - 8880 4017  
[info@kehakiman.gov.my](mailto:info@kehakiman.gov.my)  
Pamflet ini boleh dimuat turun dari laman sesawang [www.kehakiman.gov.my](http://www.kehakiman.gov.my)

## ETIKA KETIKA HADIR DALAM MAHKAMAH

- ➔ Pihak-pihak hendaklah berada dalam Mahkamah pada hari yang ditetapkan sebelum atau pada pukul 9.00 pagi atau pada masa yang telah ditetapkan oleh Mahkamah.
- ➔ Bangun dan tunduk hormat apabila Hakim/Majistret masuk dan meninggalkan Mahkamah.
- ➔ Tampil ke hadapan dan kenalkan diri dengan menunjukkan dokumen pengenalan diri apabila nama dipanggil oleh Jurubahasa Mahkamah.
- ➔ Berikan sepenuh perhatian kepada prosiding yang dijalankan dalam Mahkamah.
- ➔ Dilarang bercakap-cakap atau membuat bising semasa Mahkamah bersidang.
- ➔ Tunduk hormat ketika hendak masuk dan keluar dari Mahkamah yang sedang bersidang.
- ➔ Kanak-Kanak tidak digalakkan berada di dalam Mahkamah semasa prosiding sedang dijalankan.

## PERATURAN, SEKATAN DAN LARANGAN DALAM MAHKAMAH

- ➔ Sebarang jenis senjata, benda tajam dan benda berbahaya adalah tidak dibenarkan dibawa masuk ke dalam Mahkamah.
- ➔ Sebarang jenis dan bentuk rakaman sama ada dalam bentuk audio atau visual adalah tidak dibenarkan.
- ➔ Telefon bimbit, alat keluli dan lain-lain alat elektronik yang boleh menghasilkan audio atau visual hendaklah dimatikan atau dipadamkan.
- ➔ Pihak-pihak yang hadir dalam Mahkamah hendaklah mematuhi etika pakaian dengan memakai pakaian yang bersih, kemas, sopan dan tidak menjolok mata.
- ➔ Pihak-pihak dilarang memakai:
  1. Seluar / skirt pendek
  2. Jeans
  3. Selipar
  4. Topi keledar
  5. Cermin mata hitam
  6. Jaket kulit / jaket denim / baju kemeja tanpa lengan
  7. Pakaian warna terang dan sarat dengan perhiasan

## DOKUMEN PENGENALAN DIRI YANG PERLU DIBAWA KETIKA MENGHADIRI PROSIDING DALAM MAHKAMAH

- ➔ **ORANG AWAM**  
Kad Pengenalan atau Sijil Kelahiran bagi warganegara Malaysia dan Pasport Antarabangsa atau dokumen-dokumen yang berkaitan bagi warganegara asing.
- ➔ **KAKITANGAN KERAJAAN**  
Kad Kuasa Jabatan atau dokumen-dokumen yang berkaitan.
- ➔ **PEMILIK SYARIKAT**  
Sijil Pendaftaran Syarikat atau dokumen-dokumen yang berkaitan.
- ➔ **WAKIL SYARIKAT**  
Surat Perwakilan Syarikat atau dokumen-dokumen yang berkaitan.